

Et Concl. patet per Breue Adriani. 6. ad petitionem Imperatoris Caroli. 5. anno Domini millesimo quingentesimo vigesimo secundo Pontificatus sui Anno. 1. Cesarauguste vbi dicitur. Et insuper vt melius præfata cōuersio infidelium fieri valeat, & saluti animarum omnium in præfatis terris Indorum pro tempore degentium prouideatur, volumus, & tenore præsentium de plenitudine potestatis concedimus; vt præfati prælati fratrum, & alij quibus ipsi de fratribus suis indi&is Indiis commorantibus duxerint committendum, in partibus, in quibus nondum fuerint Episcopatus creati, vel si fuerint, tamen infra duarū dietarum spacium, ipsi, vel Officiales eorum inueniri minime possint, tam quo ad fratres suos, & alios cuiuscunq; ordinis, qui ibidem fuerint ad hoc opus deputati, ac super Indos ad fidem Christi conuersos, quàm etiam ad alios Christicolas ad dictum opus eosdem cōmittâtes, Omnimodam auctoritatem nostram in vtroq; foro habeant tantam, quantam ipsi, & per eos deputati de fratribus suis, [vt dictum est] iudicauerint opportunam, & expedientem pro conuersione dictorum Indorum & manutentione, ac profectu illorum, & alio